



Broj: 0101 - 3549-1-7/18
Sarajevo, 16. 10. 2018. godine

Na osnovu člana 64. stav 1. tačka (b), člana 70. stav 1,3 i 6 i člana 100. stav 3. Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, rješavajući po žalbi ponuđača „Energoinvest SUE“ d.d. Sarajevo, Tvornička 3, 71000 Sarajevo, broj: SUE – 2070/18 od 12.10.2018. godine, izjavljenoj protiv Odluke o izboru najpovoljnijeg ponuđača, broj: 0101 - 3549-1-7/18 od 28.09.2018. godine, rektor je donio:

ODLUKU
o dodjeli ugovora drugorangiranom ponuđaču

Član 1.

Prihvata se žalba ponuđača Energoinvest SUE d.d. Sarajevo, Tvornička 3, 71000 Sarajevo, broj: SUE - 2070 od 12.10.2018. godine, izjavljena na Odluku o izboru najpovoljnijeg ponuđača i dodjeli Ugovora broj: 0101-3549-1-6/18 od 28.09.2018. godine u dijelu koji se odnosi na dostavljanje kataloga ponuđenog agregata bez zvaničnog prevoda i dijelu koji se odnosi na tehničke karakteristike ponuđenog agregata, a što je u suprotnosti sa tačkom 14. Tenderske dokumentacije „Način pripreme ponude iz tenderske dokumentacije“ i Obrascem za cijenu ponude sadržan u Prilogu II Tenderske dokumentacije. Ostali navodi iz žalbe se odbijaju kao neosnovani.

Član 2.

U skladu sa stavom 1. ove Odluke, u otvorenom postupku za dostavu ponuda za nabavku robe – Agregat za neprekidno napajanje, dodjeljuje se ugovor za nabavku ponuđaču Energoinvest SUE d.d., Tvornička 3, 71000 Sarajevo, kao drugorangiranom ponuđaču sa ponudom broj: 856-ES/18 od 13.07.2018. godine za ponuđenu cijenu 21.900,00 KM (slovima: dvadesetjednahiljadaidevetstotina 00/100) što sa obračunatim PDV-om iznosi 25.623,00 KM (dvadesetpethiljadašeststotinadvadesetri), a nakon sprovedene e-aukcije.

Član 3.

Stavlja se van snage Odluka o izboru najpovoljnijeg ponuđača i dodjeli Ugovora broj: 0101 - 3549-1-6/18 od 28.09.2018. u otvorenom postupku, broj: 0101-3549-1-3/18 od 20.06.2018.godine.

Član 4.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 0101-3549-1-1/18 od 08.06.2018. godine, Univerzitet u Sarajevu je pokrenuo postupak javne nabavke robe – nabavka Agregata za neprekidno napajanje.

Za provođenje postupka predmetne javne nabavke, Odlukom broj: 0101-3549-1-2/18 od 08.06.2018. godine, imenovana je Komisija za javnu nabavku u sastavu: Ćemal Suljević, predsjedavajući, Alvin Huseinović, član, Enes Halilović, član, a za zamjenske članove su imenovani: Sanel Sefer, Bojan Crnogorac i Azra Ramić.

Obavještenje o nabavci broj: 999-1-1-81-3-35/18 objavljeno je na Portalu javnih nabavki dana 20. 06. 2018. godine i Službenom glasniku BiH br.42 od 22.06.2018.godine.

Slijedeći ponuđači preuzeli su tendersku dokumentaciju: BBS Europe, Ekapija d.o.o., Albat d.o.o., 2E Consulting d.o.o. Sarajevo Lahi d.o.o., Energoinvest SUE d.d. Sarajevo, Sicon SAS d.o.o. Tuzla, Teknoxgroup BH d.o.o., Reap d.o.o., Jasmin M d.o.o.Žepče, Stubelj Co d.o.o. Zenica, Vizija d.o.o. Visoko i Matisa.

Iz Zapisnika Komisije za javnu nabavku je vidljivo da su u periodu koji je ostavljen za dostavljanje ponuda, četiri ponuđača dostavili zahtjeve za pojašnjenjem tenderske dokumentacije. Ugovorni organ blagovremeno je odgovorio na postavljena pitanja kroz sistem e-nabavke.

Dana 02.07.2018. godine Ugovorni organ je zaprimio Žalbu na tendersku dokumentaciju od strane ponuđača Energoinvest-SUE d.d. Sarajevo, Tvornička 3, 71000 Sarajevo. Razmatrajući navode iz žalbe Ugovorni organ je donio Odluku 03.07.2018. godine broj: 0101-3549-1-4/18 kojom se žalbeni navod u dijelu koji se odnosi na tehničke karakteristike predmeta nabavke uvažava kao osnovan, te je izvršio izmjenu Tenderske dokumentacije u dijelu Obrazac za cijenu ponude i umjesto tehničke karakteristike agregata („6 cilindara“ promjenjeno u „4 cilindra i više“). Ugovorni organ je također izvršio izmjenu datuma dostave ponuda te produžio rok za 7 (sedam) dana.

Komisija za javnu nabavku je dana 17.07.2018. godine u 10,15 sati izvršila javno otvaranje blagovremeno prispjelih ponuda ponuđača: Teknoxgroup BH d.o.o., Rajlovačka cesta bb, Energoinvest SUE d.d., Tvornička 3, 71000 Sarajevo, Sicon SAS Tuzla, Čaklovići 26, 75000 Tuzla, Albat d.o.o. Sarajevo, Pavla Lukača 7, 71000 Sarajevo, Vizija d.o.o. Visoko, Muhašinovići bb, 71300 Visoko. Na javnom otvaranju ponuda prisutan je bio predstavnik ponuđača Vizija d.o.o. Visoko, Valjevac Edin koji je dostavio punomoć/ovlaštenje za prisustvo broj: 01-354/18. Komisija za javnu nabavku je dana 17. 07. 2018. godine, pristupila pregledu ponuda, odnosno da bi utvrdila da li su ponuđači ispunili uslove iz člana 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije i da li su kvalifikovani za vršenje predmetnih usluga.

Pregledom ponuda ponuđača **Teknoxgroup BH d.o.o., Sicon SAS d.o.o. i Albat d.o.o.** Komisija je utvrdila da ponuđači u svojoj ponudi nisu dostavili dokumente tražene Tenderskom dokumentacijom te su isti isključeni iz daljeg učešća u postupku nabavke.

Nakon izvršene računске kontrole prihvatljivih ponuda, Komisija je utvrdila da u ponudi ponuđača sa tehnički zadovoljavajućim ponudama nije bilo računskih grešaka.

Komisija je izvršila rangiranje prihvatljivih ponuda ponuđača, koji su blagovremeno dostavili ponude, prema kriterijumu najniža cijena tehnički zadovoljavajuće ponude na sljedeći način:

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	Vizija d.o.o. Visoko, Muhašinovići bb, 71300 Visoko	0,00 KM	39.900,00 KM bez PDV-a 0,00 KM = PDV 46.6830,00 KM sa PDV-om
2.	ENERGOINVEST-SUE d.d. Tvornička 3, 71000 Sarajevo	0,00 KM	48.900,00 KM bez PDV-a 0,00 KM = PDV 57.213,00 KM sa PDV-om

Iz izvještaja o toku i završetku e-aukcije vidi se da je e-aukcija započela 20.07.2018. godine u 14:00h, te je uspješno okončana istog dana u 14:46h. Iz izvještaja o toku i završetku e-aukcije se vidi konačna rang lista ponuđača koji su učestvovali u e-aukciji:

R.br.	Naziv ponuđača	IDB/JIB	Konačna cijena KM bez PDV-a	Rang
1.	Vizija d.o.o. Visoko, Muhašinovići bb, 71300 Visoko	4218109670006	21.800,00	1
2.	ENERGOINVEST-SUE d.d. Tvornička 3, 71000 Sarajevo	4209310270009	21.900,00	2

Komisija za javnu nabavku je dala preporuku da se donese odluka o izboru i dodijeli ugovor o javnoj nabavci robe – **Agregat za neprekidno napajanje**, ponuđaču Vizija d.o.o. Visoko, Muhašinovići bb, 71300 Visoko, čija ponuda je ocijenjena kao najpovoljnija u skladu sa kriterijumom najniža cijena tehnički zadovoljavajuće ponude u ukupnom iznosu od 21.800,00 KM bez PDV-a (slovima: dvadesetjednihiljadaosamstotina KM i 00/100), što sa uračunatim PDV-om iznosi 25.506,00 KM (slovima: dvadesetpethiljadapetstotinašest KM i 00/100).

U skladu sa Zakonom o javnim nabavkama („Službeni glasnik BiH“ broj: 39/14) član 101. tačka d), svi ponuđači su imali rok od 10 (deset) dana za izjavljivanje žalbe po prijemu Odluke. Postupajući po žalbi Energoinvest SUE d.d., Tvornička 3, 71000 Sarajevo, broj: SUE-2070/18 (u daljem tekstu: Žalba) izjavljenoj protiv Odluke o izboru najpovoljnijeg ponuđača broj: 0101-3549-1-6/18 od 12.10.2018. godine, (u daljem tekstu: Odluka o izboru), Ugovorni organ je utvrdio da je Žalba blagovremena, dopuštena, izjavljena od ovlaštenog lica i osnovana u dijelu koji se odnosi na dostavljanje kataloga ponuđenog agregata bez zvaničnog prevoda i dijelu koji se odnosi na tehničke karakteristike ponuđenog agregata, a što je u suprotnosti sa tačkom 14. Tenderske dokumentacije „Način pripreme ponude iz tenderske dokumentacije“ i Obrascem za cijenu ponude sadržan u Prilogu II Tenderske dokumentacije. Ponovnim pregledom Ponude ponuđača Vizija d.o.o. Visoko Komisija za javnu nabavku je utvrdila da je ponuđač na strani br; 22,23,24 i 25 ponude dostavio katalog ponuđenog agregata na engleskom jeziku bez zvaničnog prevoda od strane ovlaštenog sudskog tumača, a što je u suprotnosti sa tačkom 14. Tenderske

dokumentacije - Način pripreme ponude - „Svi dostavljeni certifikati, dokazi o obuci osoblja, dokaz o tehničkoj osposobljenosti ponuđača izdat od strane proizvođača ili drugog ovlaštenog tijela i ostala dokumentacija u vezi sa predmetom nabavke dostavlja se prevedena od strane ovlaštenog sudskog tumača na jedan od službenih jezika u BiH na latiničnom ili ćirilichnom pismu”.

Pregledom Ponude, Komisija je također utvrdila da je Ponuđač Vizija d.o.o. Visoko na strani 23. Ponude dostavio tehnički opis agregata, a koji ne odgovara traženim karakteristikama agregata iz Obrasca za cijenu ponude i to u dijelu koji se odnosi na kapacitet rezervoara agregata za neprekidno napajanje. Prema Tenderskoj dokumentaciji i Obrascu za cijenu ponude jasno je vidljivo da je Ugovorni organ zahtijevao agregat za neprekidno napajanje sa rezervoarom goriva kapaciteta 260 litara dok ponudeni agregat ima kapacitet od 180 litara, čime se smanjuje i automatizacija rada agregata pri maksimalnom opterećenju, obzirom da potrošnja ponudjenog agregata iznosi 18 l/h, pa tako automatizacija rada agregata pri maksimalnom opterećenju iznosi 10h, umjesto minimalno traženih 12h.

Navod Žalitelja Energoinvest SUE d.d. da je Ponuđač Vizija d.o.o. dostavio netačnu izjavu o uživanju preferencijalnog tretmana domaćeg odbija se kao neosnovan, obzirom da je Ugovorni organ konstatovao u Zapisniku o pregledu i ocjeni ponuda da Ponuđač Vizija d.o.o. nije dostavio potvrdu o uživanju preferencijalnog tretmana tačka 11. Zapisnika o pregledu i ocjeni ponuda.

Iz gore navedenih razloga, primjenom člana 100. stav (3) Zakona o javnim nabavkama BiH, prihvaćena je preporuka Komisije za javnu nabavku i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od pet (5) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrijelj

Dostaviti:

1. Vizija d.o.o., Muhašinovići bb, 71300 Visoko
2. Energoinvest SUE d.d. Sarajevo, Tvornička 3, 71000 Sarajevo
5. u dosije javnih nabavki
6. web stranica unsa.ba
7. a/a